



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 108. Principes ac Oratores ad Ecclesiam Cathedralem a Papa convocati

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

rant. Ferdinandus Neapolis Rex plus Sæcul. XV.
 ceteris conferre pollicitus est, quin etiam A. C. 1459.
 Sacramenti religione ad hoc bellum sese
 obstrinxit. Aderant pariter Casimiri Po-
 loniæ Regis Legati cum splendido comi-
 tatu, necnon Sabaudia Ducis Oratores,
 aliique plures. Ultimi tandem ex Italia
 venerant Veneti, qui cum tot Principes
 ad conventum suos decrevisse Legatos,
 atque Oratores Franciæ propediem ad-
 futuros edocti essent, æmulationis, ho-
 norisque stimulis excitati, & ipsi se pro
 parte sua, quicquid virium esset, præsti-
 turos promiserunt, ea tamen conditione,
 ut unitis omnibus Christianorum Princi-
 pum armis bellum gereretur.

§. CVIII.

*Principes, ac Oratores ad Ecclesiam
 Cathedralem a Papa convocati.*

Papa, cum Conventus confluentium
 numero admodum spectabilis esset,
 quamvis nondum Franci advenissent,
 cunctos tamen ad Ecclesiam Cathedra-
 lem die vigesima Septembris convocabat.
 Equidem primæ Sessioni inchoandæ sta-
 tuta erat dies nona ejusdem Mensis, il-
 lam tamen fuisse dilatam testatur dies
 adscripta orationi, quæ a Pontifice ha-
 bita inter ejusdem epistolas recensetur.
 Haud diu Mantuæ detineri poterat Me-
 diola-

Sæcul. XV. diolani Dux, priusquam tamen inde recederet, placuit Pontifici, ut sermone ad omnes directo eos ad pium propositum, cujus amore convenerant, strenue exequendum adhortaretur. Postea Sessioni initium dedit, sed re divina peracta,

*Æn. Sylv.
Epist. 397.*

iterato de sedendi prærogativa Venetos inter & Sabaudos contentio exorta est, illis potentiam, & antiquitatem sui imperii, his gentis suæ nobilitatem, ac veterem morem præferentibus. Papa, ubi animos magis, magisque incallescere, jamque Oratores se mutuis contumeliis ultro citroque appetere, ac Ursacium Justinianum Reipublicæ Legatum nimia verborum arrogantia rem urgere comperit, Venetos post Oratores Ducis Burgundiæ collocavit, Sabaudos vero ad scabellum Solii sui sedere iussit.

§. CIX.

Altera Pontificis Oratio ad Mantuanum Conventum.

Lite hoc pacto composita, summus Pontifex imperavit silentium, tresque omnino horas peroravit, demonstrans, bellum hoc in Turcas movendum, ad quod omnes Principes hortabatur, eo quod non modo utile, sed & justum, facillimum, ac necessarium esset. Ipus quoque se, suaque omnia ad eam expeditionem